

GOVOR VAKIFA NA OTVARANJU DŽAMIJE U ŠIPOVU 17.07.2005. god.

*Uvaženi Reisu-I– Ulema i poštovani prijatelji!*

*Rijetki su trenutci u životu kada je čovjek ispunjen radošću i srećom kao što sam ja danas. Danas se ostvario moj san, da na zemlji naših predaka, dijelom svog imetka a u ime Allaha učinim ovo dobro djelo.*

*Hvala vam svima, što ste mi svojim prisustvom ovaj dan učinili još ljepšim. Priznat ću, ovaj dan je jedan od najljepših trenutaka mog života. Zato želim uputiti iskrene selame i pozdrave svim prisutnim.*

*Počašćen sam što je danas sa nama uvaženi Reisu-I-ulema Dr. Mustafa ef. Cerić. Zahvaljujem mu u ime svih nas što je svojim dolaskom učinio da ovaj dan bude za pamćenje i ponos svih džematlija i ostalih prisutnih.*

*Selam Travničkom muftiji mg. Nusretu ef. Abdibegoviću što je od prvog dana svojim pomaganjem u organizaciji, moralno i intelektualno pomagao da džemat Šipovo opet ima svoju lijepu džamiju.*

*Pozdravljam:*

- Načelnika opštine Šipovo gospodina Čirko Milorada*
- Zamjenika načelnika opštine gospodina Tešić Radeta*
- Načelnika policijske uprave gospodina Bogdanović Jovu*
- Predstavnik pravoslavne crkve Šipovo Protojereja Stavrofora gospodina Savić Radeta*

*- Posebno se želim zahvaliti članovima građevinskog odbora za izgradnju džamije na svakodnevnom i učešću u realizaciji ovog plemenitog projekta. Zahvalnost dugujem svima koji su svojim novčanim priložima, priložima u različitim materijalima i ličnim radom doprinjeli da ovaj dan bude ovako radostan što u Šipovu opet vidimo ovu našu lijepu džamiju.*

*Svi ste vi skupa samnom učinili da ushićenje i zadovoljstvo koje danas osjećam postanu neizmijerno toliko veliki.*

*Zato vam svima hvala.*

*Ova džamija je mjesto nadahnuća i učenja. Svim će džematlijama biti velika radost jer će našu vjeru, običaje i tradiciju očuvati u suživotu sa drugim vjerama i običajima koji se ovdje njeguju vjekovima.*

***U ime Allaha, ovu časnu kuću dao sam sagraditi za rahmet dušu mojih roditelja, oca Neđiba i majke Hajrije rođ. Ćuk. Kao i za rahmet duša svih Šipovljana koji su preselili na Ahiret.***

***Ja bi bio neobično sretan ako se zbog njene gradnje bar jedan čovjek vrati u Šipovo ili ako ona zadrži makar jednog čovjeka koji ima namjeru da ode.***

***I na kraju posjetio bih sve ljude koji mogu da čine dobra djela neka ih čine. Ako činimo dobra djela i nama će dragi Allah uzvratiti istom mjerom. I sam sam se u to uvjerio jer su mi se u periodu gradnje ove džamije dogodili najradosniji i najljepši događaji u mom životu. I zbog toga sam zahvalan dragom Bogu.***

***Hvala vam na svemu.***

VAKIF:

Asim Hambljić

A large, stylized handwritten signature in black ink, appearing to read 'Asim Hambljić', positioned to the right of the printed name.